



Amri Kuu ya Kwanza

Nawe mpende Bwana Mungu wako kwa moyo wako wote, na kwa roho yako yote, na kwa akili zako zote, na kwa nguvu zako zote.—Marko 12:30.

Niliona kwamba chochote kinachogawanya upendo, au kuondoa kutoka moyoni kumpenda Mungu kwa hali ya juu, au kuzuia imani isiyo na kikomo na imani kamili Kwake, hutwaa tabia na kuchukua sura ya sanamu. Nilielekezwa kwenye amri kuu ya kwanza, “Nawe mpende Bwana Mungu wako kwa moyo wako wote, na kwa roho yako yote, na kwa akili zako zote.” Hairuhusiwi kutenganisha upendo wetu kwa Mungu. Hakuna kinachopaswa kugawanya upendo wetu mkuu kwa ajili Yake au furaha yetu ndani Yake. Nia yako, mataakwa, mipango, matamania, na raha zako zote lazima ziwe chini ya utii.

Una kitu cha kujifunza, ili kumtukuza Bwana Mungu moyoni mwako, katika mazungumzo yako, katika matendo yako yote; na ndipo Yesu anaweza kukufundisha, na kukusaidia, unapotupa nyavu yako upande wa kulia wa meli, ili kuipeleka ufukweni ikiwa imejaa samaki. Lakini pasipo msaada wa Yesu katika kutupa nyavu yako, unaweza kufanya kazi, majuma, miezi na miaka bila kuona matunda mengi ya kazi yako....

Jifunze mwenyewe. Ijaribu kila nia.... Tafuta kumwonesha Yesu (Testimonies For The Church 1:436, 437).

Mtu anapoondoa utu wake, wakati kila miungu ya uongo inapotupwa nje ya nafsi, ombwe hilo linajazwa na mmiminiko wa Roho wa Kristo ndani yake. Mtu wa namna hii anayo imani inayoitakasa nafsi kutokana na unajisi. Yeye anakubaliana na Roho, na anayafikiri mambo ya Roho. Haiamini nafsi yake. Kristo ni yote na katika yote. Anapokea kwa upole ukweli unaofunuliwa daima, na kumpa Bwana utukufu wote, akisema, “Mungu ametufunulia sisi kwa Roho Wake.” “Lakini sisi hatukuipokea roho ya dunia, bali Roho atokaye kwa Mungu; ili kwamba tupate kuyajua yale tuliyokirimiwa na Mungu” (Gospel Workers, 287).

Sauti iliyozungumza na wana wa Israeli kutoka Sinai inaongea katika siku hizi za mwisho kwa wanaume na wanawake, akisema, “Usiwe na miungu mingine ila Mimi” (Kutoka 20:3). Sheria ya Mungu iliandikwa kwa kidole Chake mwenyewe kwenye mbao za mawe, hiyo ikionesha kwamba kamwe haiwezi kubadilishwa au kutanguliwa. Inapaswa kutunzwa katika zama zote za umilele, kama kanuni zisizobadilika za serikali Yake. Wanadamu wameweka mapenzi yao kinyume na mapenzi ya Mungu, lakini hili haliwezi kunyamazisha maneno Yake ya hekima na amri, ingawa wanaweza kuweka nadharia zao za kubahatisha kinyume na mafundisho ya ufunuo, na kuinua hekima ya kibinadamu juu ya uwazi kwamba “Bwana asema hivi” (Counsels to Parents, Teachers and Students, 248).

Roho ya kuupenda ulimwengu inaweza kuwachafua wengi na kuwatawala wachache, kusudi la Mungu linaweza kushikilia msingi wake kwa bidii kubwa na dhabihu ya daima, lakini mwishowe ukweli utashinda kwa utukufu. (Prophets and Kings, 186).